

儀禮鄭注

冊二

儀禮卷四

漢大司農北海鄭玄註

明後學東吳葛鼎訂

鄉飲酒禮第四

鄉飲酒之禮

主人就先生而謀賓介

主人謂諸侯之鄉大夫也。先生鄉中致仕者。賓介處士賢者。周禮大司徒之職。以鄉三物教萬民而

賓興之。一曰大德。知仁聖義忠和。二曰大行。孝友睦婣任恤。三曰大藝。禮樂射御書數。鄉大夫以正

月之吉。受法于司徒。退而頒之于其鄉吏。使各以教其所治。以考其德。行察其道。藝及其三年大比。而

興禮賓者。能者鄉老及鄉大夫帥其吏與其眾寡。以禮禮賓之。厥明獻賢能之書於王。是禮乃三年正

云月而者一行也。諸侯之鄉大夫貢士於其君。蓋如師。士名曰少師而教學焉。恆知鄉人之賢者是以大夫就而謀之。賢者為賓。其次為介。又其次為眾賓。而與之飲酒。是亦將獻之以禮。禮賓之也。今郡國十月行此飲酒禮以黨正。每歲邦索鬼神而祭祀。則以禮屬民而飲酒于序。以正齒位之說。然此篇無正齒位之事焉。凡鄉黨飲酒必於民聚之時。欲尊其見化知尚賢尊長也。孟子曰。天下有達尊三。爵也。德也。齒也。○知音智屬音燭。達

主人戒賓賓拜辱主人答拜乃請賓賓禮辭許主人再拜賓答拜。

戒警也。告也。拜辱出拜其自屈辱至己門也。請告以其所為來之事。不固辭者。素所有志。○為于偽反。

主人退賓拜辱。

退猶去也。去又拜辱者以送謝之。

介亦如之。

如戒賓也。

乃席賓主人介。

主席敷席也。夙興往戒歸而敷席。賓席牖前南面。主人席阼階上西面。介席西階上東面。

衆賓之席皆不屬焉。

席衆賓於賓席之西。不屬者不相續也。皆獨坐明其德各特。

尊兩壺于房戶間。斯禁有玄酒在西。設篚于禁南東。

肆加二勺于兩壺。

斯禁禁切地無足者玄酒在西上也。肆陳也。

設洗于阼階東南。南北以堂深。東西當東。榮水在洗東。篚在洗西南肆。

榮屋翼

羹定。

肉謂之羹。定猶孰也。

主人速賓。賓拜辱。主人答拜。還賓拜辱。

速召也。還猶退也。

介亦如之。

介如速賓也。

賓及衆賓皆從之。

賓從猶隨也言及衆賓介亦在其中矣

主人一相迎于門外再拜賓答拜拜介介答拜

主相主人之吏攢贊命者○相息亮反

揖衆賓

賓差益卑也拜介揖衆賓皆西南面

主人揖先入

主揖揖賓也先入門而西面

賓厭介入門左介厭衆賓入衆賓皆入門左北上

皆入門西東面賓之屬相厭變於主人也推手曰揖引手曰厭今文皆作揖又曰衆賓皆入左無門

主○厭一涉反

主人與賓三揖。至于階。三讓。主人升。賓升。主人阼階上。當楣北面再拜。賓西階上。當楣北面答拜。

三揖者。將進揖。當陳揖。當碑揖。楣。前梁也。復拜。拜賓至此堂。尊之。○楣。亡。悲反。

主人坐。取爵于篚。降洗。

將獻賓也。

賓降。

從主人也。

主人坐奠爵于階前辭。

主

重以己事煩賓也。事同。曰讓。事異。曰辭。

賓對。

對答也。賓主之辭未聞。

主人坐取爵興適洗南面坐奠爵于篚下盥洗。

已盥乃洗爵致潔敬也。今文無奠。

賓進東北面辭洗。

必進東行示情。

主人坐奠爵于篚興對賓復位當西序東面。

言復位者明始降時位在此。

主人坐取爵沃洗者西北面。

沃洗者主人之羣吏。

卒洗主人壹揖壹讓升。

俱升古文
壹作一

賓拜洗主人坐奠爵遂拜降盥

復盥為手盥汗
○坊步困反

賓降主人辭賓對復位當西序卒盥揖讓升賓西階

上疑立

疑讀為乞然從於趙盾之疑疑正立自
定之貌○疑魚乞反後疑立皆放此

主人坐取爵實之賓之席前西北面獻賓

獻進也進
酒於賓

賓西階上拜主人少退

少退少辟
○辟音避

賓進受爵以復位。主人阼階上拜送爵。賓少退。

復位復西階上位

薦脯醢。

薦進也進之者主人有司

賓升席自西方。

升由下也升必中席

乃設折俎。

牲體枝解節折在俎

主人阼階東疑立。賓坐左執爵祭脯醢。

坐坐於席祭脯醢者以右手

奠爵于薦西。興右手取肺。卻左手執本。坐弗繚。右絕末以祭。尚左手。齍之。興加于俎。

興起也。肺離之本端。厚大者繚。猶紼也。大夫以上威儀多。紼絕之。尚左手者。明垂紼之。乃絕其末。齍。

嘗也。○齍牙計反。

坐。稅手。遂祭酒。

稅拭也。古文稅作說。○稅始。兌反。稅作。

興席末。坐啐酒。

啐亦嘗也。○啐七內反。

降席。坐奠爵。拜。告旨。執爵興。主人阼階上答拜。

降席。席西也。旨。羹也。

賓西階上北面坐卒爵興坐奠爵遂拜執爵興主人

阼階上答拜

卒盡也於此盡酒者明此席非專爲飲酒起○爲于僞反

賓降洗

將醉主人

主人降

亦從賓也降降立阼階東西面

賓坐奠爵興辭

西階前也

主人對賓坐取爵適洗南北面主人阼階東南面辭

洗賓坐奠爵于篚。興對。主人復阼階。東西面。賓東北面。盥坐取爵卒。洗揖讓如初。升。主人拜洗。賓答拜。興降盥。如主人禮。賓實爵。主人之席前。東南面。酢主人。主人阼階上拜。賓少退。主人進受爵復位。賓西階上拜送爵。薦脯醢。主人升席。自北方設折俎祭。如賓禮。

祭者祭薦俎及酒亦嘑啐

不告旨。

酒己物也

自席前適阼階上北面坐。卒爵。興坐奠爵。遂拜執爵興。賓西階上答拜。

自席前者啐酒席末因從北方降由便也

主人坐奠爵于序端阼階上北面再拜崇酒賓西階

上答拜

東西牆謂之序崇充也言酒惡相充實

主人坐取觶于筐降洗賓降主人辭降賓不辭洗立當西序東面

不辭洗者以其將自飲○觶之鼓反將

卒洗揖讓升賓西階上疑立主人實觶酬賓阼階上北面坐奠觶遂拜執觶興賓西階上答拜

酬勸酒也酬之言周忠信爲周

坐祭。遂飲卒觶。興坐奠觶。遂拜執觶。興賓西階上答拜。主人降洗。賓降辭如獻禮。升不拜洗。

不拜洗。殺所界反。獻。

賓西階上立。主人實觶賓之席前北面。賓西階上拜。主人少退。卒拜。進坐奠觶于薦西。

賓已拜。主人奠其觶。

賓辭坐取觶復位。主人阼階上拜送。賓北面坐奠觶于薦東復位。

酬酒不舉。君子不盡人之歡。不竭人之忠。以全交也。

主人揖降。賓降立于階西。當序東面。

主人將與介為禮賓謙不敢居堂上

主人以介揖讓升拜如賓禮。主人坐取爵于東序端降洗。介降。主人辭降。介辭洗如賓禮。升不拜洗。

介禮殺也

介西階上立。

不言疑者省文

主人實爵介之席前。西南面獻介。介西階上北面拜。主人少退。介進北面受爵復位。主人介右北面拜送爵。介少退。

主人拜于介右降尊以就卑也。今文無北面。

主人立于西階東薦脯醢介升席自北方設折俎祭
如賓禮不嘑肺不啐酒不告旨自南方降席北面坐
卒爵興坐奠爵遂拜執爵興主人介右答拜

不嘑啐
下賓

介降洗主人復阼階降辭如初

介

如賓酢
之時

卒洗主人盥

盥者當
為介酌

介揖讓升授主人爵于兩楹之間坐取盥于東

就尊南授之介不自酌
下賓酒者賓主共之